

STARFSLEYFISSKILYRÐI FYRIR

stórar námur

Samræmd starfsleyfisskilyrði vegna mengunarvarna, sbr. 8. gr. reglugerðar nr. 550/2018 um losun frá atvinnurekstri og mengunarvarnareftirlit, með síðari breytingum. Sjá einnig auglýsingu nr. 582/2000 um lista yfir mengandi starfsemi þar sem ekki er krafist ítarlegrar starfsleyfisgerðar.

1. ALMENN ÁKVÆÐI OG GILDISSVIÐ

		Rgl.nr.	Uppfyllt
1.1	Starfsleyfisskilyrðin ná yfir rekstur á stórum námum s.s. málmar-, vikur-, grjót- og sandnámum ásamt hörpun og grófvinnslu efnis. Stórar námur eru þar sem efnistaka raskar 25.000 m ² svæði eða stærra eða er 50.000 ³ eða meiri.	550/2018 5. gr.	
1.2	Skilyrði þessi mynda grunn að starfsleyfi. Heilbrigðisnefnd setur frekari kröfur í starfsleyfið ef aðstæður krefja.	550/2018 6. gr.	
1.3	Rekstraraðili skal tryggja að starfsemin sé í samræmi við gildandi skipulag og samþykka notkun fasteigna.	550/2018 6. gr.	
1.4	Ef rekstraraðili er með annan starfsleyfisskyldan rekstur samhliða gilda um hann viðeigandi starfsleyfisskilyrði.	550/2018 5. gr.	
1.5	Fylgja skal öllum skilyrðum sem fram koma í niðurstöðum umhverfismats hafi það farið fram og fyrir mælum viðkomandi bæjar- eða sveitarstjórnar við frágang svæðis.	550/2018 6. gr.	
1.6	Rekstraraðili skal tilnefna sérstakan ábyrgðarmann fyrir umhverfismálum gagnvart heilbrigðisnefnd.	550/2018 8. gr.	

1.7	<p>Rekstraraðili hefur eigið eftirlit og skráningu þar sem fram kemur m.a.:</p> <ul style="list-style-type: none"> a) Árleg staðfesting viðkomandi bæjar- eða sveitastjórnar um að frágangur efnistökusvæða sé í samræmi við kröfur. b) Fjöldi efnistökuastaða, hnituð staðsetning, efnistegund og vinnslumagn. c) Upplýsingar um nöfn verktaka sem stunda efnistöku í námum sem starfsleyfið nær til. d) Fjöldi olíutanka, olíuáfyllingarsvæða, olíuskilja, magn olíuefna og rýrnun. e) Atvik er varða mengunarvarnir rekstraraðila s.s. rekstur og viðhald á mengunarvarnarbúnaði, bilanir, mengunaróhöpp og kvartanir m.t.t. umhverfismála. f) Notkun, flutningur og förgun spilliefna sbr. reglugerð nr. 806/1999 um spilliefni. g) Magn olíusora og sands í olíuskiljum, mælt við reglulegt eftirlit, dagsetningar tæminga, magn og nafn dæluaðila. <p>Heilbrigðisfulltrúar skulu hafa aðgang að ofangreindum skráningum.</p>	550/2018 8. og 57. gr.	
1.8	<p>Tilkynna skal heilbrigðisnefnd ef starfsemi rekstraraðila er lögð niður eða ef eigendaskipti verða.</p>	550/2018	

2. MENGUNARVARNIR

	Rgl.nr.	Uppfyllt
<p>2.1 Olíuáfyllingar og olíuskripti á þungavinnuvélum skulu eingöngu fara fram á olíuheldu áfyllingsplani með frárennsli sem leitt er í olíuskilju. Heilbrigðisnefnd getur, ef aðstæður leyfa, samþykkt annan búnað sem uppfyllir markmið um ásættanlegar mengunarvarnir.</p>	884/2017 og rgl. nr. 550/2018	
<p>2.2 Gæta skal ítrustu varúðar við meðferð olíu og við olíuáfyllingar og verði vart olíuleka skal strax brugðist við, mengaður jarðvegur fjarlægður og heilbrigðisnefnd tilkynnt um atburðinn. Fari niður meiri olía en svo að starfsmenn ráði við að fjarlægja hana strax, skal slökkviliði þegar gert viðvart í neyðarsíma 112. Um ábyrgð á umhverfistjóni af völdum atvinnustarfsemi eða yfirvofandi hættu á slíku tjóni gilda lög um umhverfisábyrgð.</p>	550/2018 55. gr., lög nr. 75/2000 og lög nr. 55/2012.	
<p>2.3 Allt frárennsli sem getur verið mengað af olíuefnum skal leitt í olíuskilju. Olíuskiljur skulu tæmdar eftir þörfum, þó eigi sjaldnar en einu sinni á ári, og olíusora skilað til móttökustöðvar fyrir slíkan úrgang.</p>	884/2017	

2.4	Olíutankar skulu ávallt vera í þróm eða staðsettir á öruggan hátt á olíuheldu plani með afrennsli í samþykktu olíuskilju. Tryggt skal að olía renni ekki út í umhverfið þó lagnir bresti.	884/2017	
2.5	Afla þarf leyfis byggingafulltrúa og heilbrigðisnefndar fyrir frágang, staðsetningu og stærð olíutanka. Sama gildir um frágang á áfyllingsplani og olíuskilju. Olíubirgðatankar stærri en 10.000 lítra þurfa sér úttekt Umhverfisstofnunar.	884/2017	
2.6	Díselrafstöðvar skulu staðsettar innandyra og með öruggri lekavörn.	884/2017	
2.7	Ekki skal geyma meira en nauðsynlegt er vegna skammtímanotkunar af smurolíum á svæðinu.	550/2018 og rgl. nr. 884/2017	
2.8	Úrgangsolía, notaðar olíusíur og rafgeymar eru spilliefni sem fara skal með í viðurkennda förgun. Geymsla á þessum efnum ásamt málningu, málningarafgöngum og smurolíum og smurfeiti skal vera á öruggum stað innan dyra.	806/1999 5. gr.	
2.9	Fyrir olíubirgðatanka og lagnir gilda ákvæði reglugerðar nr. 884/2017 um varnir gegn olíumengun frá starfsemi á landi.	884/2017	
2.10	Olíutankar skulu búnir yfirfyllingarviðvörum eða yfirfyllingarvörn.	884/2017	

3. AÐKOMA OG FRÁGANGUR

		Rgl.nr.	Uppfyllt
3.1	Yfirbragð efnistökusvæðis skal vera snyrtileg og uppfylla almenn öryggissjónarmið. Fjarlægja skal allt sorp og úrgang frá námusvæðum og koma í viðurkennda förgun. Öll brennsla og urðun úrgangs er bönnuð.	737/2003	
3.2	Rekstraraðili skal sjá til þess að fjarlægður sé jafnóðum allur búnaður og hlutir sem kunna að berast inn á svæðið og eru rekstrinum óviðkomandi.	737/2003	
3.3	Þess skal gætt að starfsemin valdi ekki öðrum óþarfa ónæði eða hávaða og að foggjörn jarðefni valdi ekki skaða eða röskun á umhverfi utan vinnslusvæðis. Ef þörf er á skal skerma jarðefni af.	724/2008 og rgl. nr. 787/1999	
3.4	Við efnistöku og frágang skal fylgja leiðbeiningunum: Námur – efnistaka og frágangur, sem umhverfissráðuneyti o.fl. aðilar gáfu út árið 2002.	550/2018	
3.5	Þungavinnutæki skulu ávallt hafa gild skoðunarskírteini. Eingöngu brýnustu viðgerðir til að forða tjóni eða umhverfismengun mega fara fram á svæðinu. Tæki skulu að jafnaði flutt af svæðinu til viðgerða.	8/2009	

3.6	Hvergi skulu á efnistökusvæðinu myndast óþarfa tjarnir. Ef hætta er á að ár og lækir mengist skal grípa til viðeigandi ráðstafana, t.d. með því að leiða vatnið í gengum settjarnir eða síubeð, eða aðra hreinsun sem heilbrigðiseftirlit telur þörf á.	796/1999	
3.7	Fráveituvatn frá eldunar- og salernisaðstöðu skal leiða í safntank, rotþró eða fráveitukerfi sveitarfélags. Ef rotþró er á staðnum skal fylgja leiðbeiningum Umhverfisstofnunar um rotþrær og siturlagnir.	798/1999 5. gr.	
3.8	Fylgja þarf reglum Vinnueftirlits ríkisins varðandi meðferð og geymslu sprengiefnis.	510/2018	
3.9	Leggist starfsemin niður skal búnaður fjarlægður í samráði við heilbrigðisnefnd og spilliefnum komið í viðurkennda förgun.	550/2018	

Starfsleyfisskilyrðin eiga sér m.a. stoð í eftirfarandi lögum og reglugerðum með síðari breytingum:

Lögum nr. 7/1998 um hollustuhætti og mengunarvarnir, lögum nr. 55/2003 um meðhöndlun úrgangs, lög nr. 75/2000 um brunavarnir, lög nr. 55/0212 um umhverfisábyrgð, reglugerð nr. 550/2018 um losun frá atvinnurekstri og mengunarvarnareftirlit, reglugerð nr. 737/2003 um meðhöndlun úrgangs, reglugerð nr. 806/1999 um spilliefni, reglugerð nr. 884/2017 um varnir gegn olíumengun frá starfsemi í landi, auglýsing nr. 582/2000 um lista yfir mengandi starfsemi þar sem ekki er krafist ítarlegrar starfsleyfisgerðar, reglugerð nr. 798/1999 um fráveitur og skólþ, reglugerð nr. 787/1999 um loftgæði, reglugerð nr. 8/2009 um skoðun ökutækja, reglugerð nr. 724/2008 um hávaða og reglugerð nr. 796/1999 um varnir gegn mengun vatns.